


元平章竹貞來援擊走之立安豐衛
癸酉令徐達分兵趨徐州以擴廓帖木兒南侵遂敗之
戊寅謁辭墓

五月壬午朔吳王還應天諭中書省臣以在道見流亡失業
其令有司訪遺民俾之還故土
庚寅購遺書語詹同等曰吾燕居讀論語節用愛人使民以
時真治國之良規也吳王微時目不知書起兵後日親諸
儒流覽神解手撰書檄注射簡峭文士顧不及也
徐達還自安豐

六月壬子朔醫學提舉司改太醫監設少監監丞

癸亥諭廷臣曰近者徐氏以柔懦滅陳氏以剛暴亡今惟張
氏存然弛政昵奸費用無經殆將覆矣夫察于亡者然後可
以圖存審于危者然後可以求安吾輩其鑒之


七月辛巳朔貽擴廓帖木兒書曰向者尹煥章來隨遣汪何報
禮至今不還春秋戰國講信脩睦如季札至魯請觀周樂韓
起來聘同知周禮未聞有拘留之也惟鄭告絕于楚人執
良霄漢累伐匈奴拘蘇武此夷狄報怨之淺見閣下豈效之
哉李羅雖死餘孽跳梁鳳翔鹿臺之兵合黨而東俞寶拒戰



于樂安王仁逃歸于東齊幽燕無腹心之託若加以南面之
兵四集當如之何倘幡然改轍還我使臣救災卹患各保疆
宇為閣下利豈淺哉哉
甲申蘇伯衡為國子學錄
丁未議攻張士誠右相國李善長曰張氏勢雖屢屈兵力未
衰土沃多儲殆未可也吳王曰長淮東北吾皆有之臨以
勝師何憂不振徐達曰張氏橫暴侈汰此天亡之時也其將
李伯昇呂珍輩齷齷亡數黃蔡葉三叅軍居中書生耳臣奉
威德可計日定王善之

遙授中書省平章政事楚國公廖永安卒于蘇州永安字彥
敬年四十有七上聞而自為文以祭之明年喪歸葬鍾山
八月庚戌朔拓應天城卜新宮于鍾山之陽

吳王告大江之神曰伏聞民欲安聖人一民欲愁霸主多予
心存安民決戰于張氏請天判聖馬惟神奉天告神鑒之
辛亥命左相國徐達為大將軍平章常遇春副之率師二十
萬攻張士誠吳王御戟門諭達等毋擄掠毋殺僇毋發邱
隴毋毀廬舍士誠能歸命必全之吾聞其母葬城外毋據而
芻牧也御西苑問諸將所先遇春請直搗平江餘郡易與已




耳 吳王曰不然敵分其衆駐吳興錢塘以自輔我頓兵堅
城不克而招二輔之援非計也先攻吳興便遇春日臣聞逐
梟者覆巢去鼠者薰穴 王作色曰攻湖失利吾自當之攻
蘇而敗不汝貸也 王屏去左右革密語徐達常遇春日熊
天瑞降我非其意吾謀毋泄但云搃平江今天瑞從征必叛
輸張氏矣時榜張士誠之罪二十罪入一府於蘇州
壬子命博士許存仁進講經史
癸丑大軍發自南京龍江
辛酉大兵至蘇州太湖

已巳常遇春敗吳人於湖州港生擒其將尹義陳旺遂次洞
庭山

癸酉進軍崑山又敗之擒其將石清汪梅
指揮熊天瑞叛降于吳

甲戌大軍至湖州三里橋吳右丞張天麒分兵三道叅政黃
寶當其南院判陶子麒當其北同僉唐傑後之徐達欲戰有
言曰不利常遇春日何待日擊敗黃寶擒之圍其城餘斂退
吳司徒李伯昇來援自荻港潛入城益圍之同僉俞得全院
判張德義陶子寶出戰復敗走吳平章朱暹王晟同僉戴茂



呂珍院判李茂同五太子以六萬人屯舊館列五砦自固我
於東阡築十壘絕其援李茂李林成唐傑懼不敵而遁吳右
丞潘元紹張氏婿也駐兵烏鎮以援呂珍夜襲走之遂填溝
港絕其餉道張士誠自來援達等戰于皂林大破之擄其帥
及甲士三千餘人
置常德衛

九月辛卯吳同僉徐志出東阡現我師常遇春擊擒之得二千
餘人

乙未命朱文忠攻杭州以張氏聚兵姑蘇爾掣制之使疲于

十奔命

已亥夏明昇遣使來聘使者誇其險富吳王鄙之

乙巳左丞廖永忠參政薛顯克德清擒院判鍾正

吳右丞相徐義至舊館被扼約張士誠合戰得脫復回潘元


紹至烏鎮常遇春追破之至平望焚其赤龍船軍資俱盡舊

館援絕多出降

指揮副使張勝宗平湘鄉盜

周文貴復掠長州諸郡諭楊璟張彬等勦之

丙午遣參政蔡哲聘夏以繪者從令圖其山川形勢



十月己酉朔郭永為國子博士李克正為學正張益為學錄

壬子常過春攻烏鎮追徐義潘元紹于昇山大破之同僉戴

茂平章王晟先後降

甲子朱文忠率指揮朱亮祖耿天璧攻桐廬袁洪孫虎克富

陽遂合圍餘杭

戊寅徐達復攻昇山水寨顧時薛顯奮擊之吳人大敗五太

子及朱暹呂珍等以舊餘館降得兵六萬五太子本梁姓張

氏之養子精悍善泅暹珍等亦善戰至是士誠奪氣

十一月甲申湖州司徒李伯昇在丞張天麒等出降伯昇同張

氏起兵稱最密其降也吳人謂之負友入明累遷平事章政

事子世襲指揮使

叅政胡德濟克諸暨斗巖山寨

己丑徐達趨平江至南潯吳元帥王勝降


辛卯至吳江州圍之叅政李福知州楊彝降

朱文忠下餘杭先許叛將謝再興不死乃降文忠趨杭州未

至吳平章潘原明遣負外郎方彝以杭州降文忠曰兵未至

而款我欲緩其師乎對曰將軍秋毫無犯杭幸得將軍而寢

食之詰朝原明如師上狀曰嬰城固守乃受任之當為歸款




救民亦濟時之急務某起身草野叨位省樞非心慕乎榮華
志存于匡定豈意邦國殄瘁王師見加事雖貴于見幾民實
同于歸義念是邦生靈百餘萬比年物故十二三今既入于
職方願溥覃于天澤謹獻吏民兵餉之數文忠入城用伎樂
導叱去之得兵三萬餉二十一萬馬一千六百餘匹執叛將
蔣英劉震元平章丑的長壽等送應天原明等亦入朝
壬辰脩公子書以教朝貴子弟脩務農技藝商賈書以教四
民儒士熊昂朱夢爰等所輯刊行之
庚子吳同僉李思忠總管衛良佐以紹興降

左丞華雲龍攻嘉興路吳將宋興降

壬寅海寧州降

癸卯大兵至平江鮎魚口徐達擊吳將豆義走之康茂才持
戟督軍又敗之尹山橋焚其官瀆戰船千餘遂至城下圍之
達軍封門常遇春軍虎邱郭子興軍婁門華雲龍軍需門湯
和軍閭門王弼軍盤門張溫軍西門康茂才軍北門耿炳文
軍城東北仇成軍城西南何文輝軍城西北刀劍林立飛鳥
為之不下士誠殊堅守我造飛塔臨車攻之殺傷相當我武
德衛指揮副使定遠茅成死之



甲辰誅蔣英劉震歸元臣丑的長壽等潘原明以下官屬皆仍故秩從未文忠節制

十二月乙卯 指揮副使畢榮下永寧鄞縣盜

已未罷浙東行省立浙江行中書省于杭州右丞朱文忠為

平章政事復姓李

元帥陳德為天策衛親軍指揮使

改紹興路曰府諸全州曰諸暨縣

陳友定部將阮德柔陰納款

議明年為吳元年命有司營廟社立宮室

已巳有司上宮室圖 王去其奇麗者諭中書省臣曰千古

之上茅茨而聖雖峻而亡吾節儉是寶民力其毋殫乎

是冬韓林兒殂按寧王權通鑑博論云韓林兒遷瓜步沉之

江中又王縱感古詩妖徒白蓮社僭號于其間奔走無定在


不啻風巢懸天假京都城累表請伊遷遣廖永忠表謝遷都舟沉瓜步

水魂應隨杜鵑永忠鑿沉林兒舟家屬俱溺死宜興楊統制國其義亦堪憐

興言感龍鳳連敗弗自全楊聞舟沉曰當存其後永忠肇此

圖伯溫炳幾先謂彼收監子竇歷當聖傳大事從此定皇心


良皦然尋賜永忠死而楊蒙賞延復其家



高岱曰韓林兒在宋猶未定方義帝更始其赤眉之盆子耳假令福通事成豈能容韓林兒哉福通不欲以其身為標故藉之號召天下意事成已除之無難不成名將有所歸亦如王陵母之所以屬陵者奸雄之見大抵皆然第福通舉事可必其斷無成耳 聖祖之開創于宋無所毫髮藉祇以和陽一命奉之終身自癸卯以前惟南剪群雄而未嘗加以一矢北向者以其有韓林兒在潁亮間故勿與爭雄耳否則中原形勝之地豈在所後者耶

張溥曰漢之後非漢而稱漢以殘晉者曰劉淵唐之後非


唐而稱唐以滅梁者曰李存勗宋之後非宋而稱宋以亂元者曰韓林兒韓林兒逋逃之餘母子窮窘劉福通等強擁為帝樂城草竊假名瀛國以盆子之懦兼王郎之詐奔北殺身宜其速也然紅巾賊起潁川最初當其兵分為三也劉福通取河南毛貴取山東閔先生破遼陽焚上都中原以北幾三分有二風馳電激豈徒藉宋虛號哉天厭胡運石人生謠韓劉揭竿勢猶陳涉勝國空名河淮響震不必其人龍種也真人既出用其年號資其土疆大舉北伐傳檄還定乃曰伯也執及為王前驅其小明龍鳳之謂乎



何喬遠曰小明王監子耳為人所以非若漢之于義帝者
業用其年號安豐之難舍漢而存之待其殂乃稱吳元年
明德厚矣

設遷曰 聖祖撰朱氏世德碑稱龍鳳九年皇帝云而
丙午伐吳榜龍鳳十一年皇帝聖旨 吳王會旨其推重
韓氏誠無敢失墜而采石之事見 寧獻王博論又即
聖祖之神孫也豈效彼燭影谷聲如湘山野錄乎哉是不
當諱之則林兒似義帝永忠似九江王矣何也滁陽之
後未嘗通職貢奉冠帶不任受德其稱龍鳳而系之以宋

報元也彼果宋乎哉非宋而宋之亦安得非君而君之以
乎故凡能報元者即其君也舍 聖祖其奚屬哉則瓜步
之事猶孫恩之水仙以妖始亦以妖終矣君子大居正甚
無貴乎左道也



國權

鹽官設遷孺木著

丁未 元至正二十七年 吳元年 夏開熙二年

正月寅朔容美洞等處軍民宣撫司改黃沙靖安麻容等處軍

民宣撫司田光寶為宣撫司立太平臺宜麻寮等十寨長官

司

癸巳湖廣行省叅政戴德叅軍詹允亨攻沅州

乙未置寧國衛


神武衛指揮使定遠楊國興攻姑蘇中流矢死卒年三十二


國權

至元

百十二

國家圖書館, NATIONAL CENTRAL LIBRARY, TAIWAN, R.O.C.





吳王以鎮宜興有功勅封宜興縣城隍顯祐伯
有老人告省局匠曰 吳王即位三年當平一天下匠驚問
之曰我太白神也去不見 王聞而誕之今後勿以聞

戊戌諭中書省臣曰吾昔在軍中嘗空腹出戰歸得一食即
粗糲甚甘今飲膳豐美未嘗忘之太平應天宣城諸郡吾渡
江開創地供億先勞其免太平租稅六年應天宣城諸郡免

丁租稅一年

沅州守將李興祖降 即李勝

庚子嘉定州守臣王立中等降於徐達

辛丑諭中書省臣曰古人祝頌意寓警戒近諸臣上箋多頌
少規今後務平實勿虛美
甲辰又貽擴廓帖木兒書時使臣汪河奉遣未還

置辰州衛


二月丁未朔元擴廓帖木兒遣左丞李二侵徐州次陵村叅政
陸聚令指揮傅友德調其衆方掠以二千騎渡呂梁直趨擊
之敵將韓乙出戰友德單騎奮槊刺之墜馬元兵敗走友德
度再至趨還城開門陣于野卧槍以待約鼓聲即起李二果
盛兵至競而驚友德鼓之奮擊斬溺甚衆擒李二及將士二

百餘人餘皆棄甲逃竄獲馬五百餘匹
壬子茗洋降盜周遂卿復作叛浙東按察使僉事章溢平之
癸丑置崑山吳興安吉三衛
置兩浙都轉鹽運使司鹽運司于杭州省城統轄三十六場
鹽課大使歲辦鹽二十一萬二千三百八十四引有奇
乙卯 吳王聞徐州之捷謂大都督府臣曰此擴廓帖木兒
游兵餌我也謹備之毋惰
乙丑遣諭陳州左君弼書曰天下兵興豪傑並起豈惟乘時
以取功名亦欲保全家室足下身委于人既已失策復使母

妻各天一方以日為歲縱不念及于妻子亦何忍忘情于生
身之親哉富貴功名大丈夫可以再圖親不可再得其熟計
之君弼未即決命母歸陳州

江淮分省叅政陸聚攻宿州擒僉院邢端等一百四十一人
癸酉慈利軍民宣撫使覃皇夏堯武貢馬及方物賜織金綺
帛有差

甲戌大將軍徐達圍平江數請事 吳王報曰將軍自昔相
從忠義天性沉毅有謀端重且武用能過絕亂略消弭群雄
今事：稟命將軍之忠吾甚嘉之然將在外君不御也自後



緩急將軍便宜行之勿以聞

三月丁丑朔宣州貢茶薦廟

戊寅置應天衛親軍指揮使司

叅政蔡哲歸自夏

壬午驍騎衛改驍騎右衛親軍指揮使司

戊子思沅兩界軍民安撫司黃元明內附

丁酉設文武科取士

沂州流民千餘家還靈璧虹縣復業王信追殺之宿遷大掠

王聞而閔之賑其餘黎

叅軍詹允亨言黔陽前元帥蔣節領義兵千人自固乞授安

撫使俾討靖州山寨許之

叅政楊璟下澧州石門縣

四月丙午朔上海錢鶴皋作亂時徐達驗民田徵城磚回鼓衆


至三萬餘人襲松江殺知府荀玉珍通判趙倣自稱行省左

丞署官屬達遣指揮葛俊往纜六艘入古浦塘賊列塘上或

曰此長蛇陣也毋易之及聞炮皆走俊兵入城錢鶴皋出北

門還其家匿海上擒之俊怒華亭人從亂欲屠之知縣馮榮

力爭而止錢鶴皋素愛士喜賓客名勝多從之游事起事周



整列作護其家識者笑之據郡三日敗

庚戌 吳王至白虎殿見諸子讀孟子問許存仁要旨曰行

王道施仁政省刑罰薄稅斂斯盡之矣

錢塘衛指揮同知袁洪克崇德州

辛亥 吳王廟祭退泣不止起居注詹同日往先人是月

六日亡兄九日亡母二十二日亡人生值此其何以堪益泣

不自勝

遺元河南擴廓帖木兒陳州右丞貊高脫因帖木兒等紗羅

葛有差

壬子諭詹同等曰史事貴直筆予平日言動其直書勿諱之

乙卯中書省平章政事俞通海卒通海攻蘇州中流矢創甚

還都下 王親往視疾揮涕贈光祿大夫追封通海豫國公

黃金曰當世運艸昧群雄競起能識真主委身來歸用其


智武佐成大業名最元勳功垂國史可謂豪傑之士而又

沉幾簡重出言合宜勞不矜能和不踰節馭軍以嚴而政

不苛恤民以惠而法不撓非獨戎略精強匹休古名將用

于朝廷亦輔弼之良也顧年不滿其所施措哉

已未方谷珍屢假貢獻覘我而陰通擴廓帖木兒陳友定



吳王惡其反覆賜書數其十二罪方谷珍見書不報

壬戌置太倉衛

分戍嘉興海鹽海寧邊境

壬申宣州府仍曰寧國改江陰州曰江陰縣隸常州府

句容民獻瑞麥

五月丙子朔平江久不下 吳王遺張士誠書曰成湯放桀武

王伐紂漢祖滅秦天命所在豈容紛然雖有智力事業勿成

當革心畏天全身保族若竇融錢俶是也自古皆然非獨于

今有異爾能順附其福有餘毋困守孤城危其兵民自取滅

亡為天下笑自悔莫及士誠不報

己亥初置翰林院饒州知府陶安為學士

正三品

吳王憂旱素食凡大內蔬茹醢醬皆內辦不煩于民

免徐宿濠泗襄陽安陸田租三年令曰予本布衣出身躬居


草野因天下亂集眾渡江撫定江左十有三年中原之民流

離顛頓尚無所歸吾乃積粟控弦徐宿濠泗壽邳東海安東

襄陽安陸及今後新附人民中書省其命有司免徭賦三年


六月丙午朔日食晝晦

己酉誠士誠圍急欲突戰覘城左陣嚴不敢犯遣徐義潘元



紹潛出西門轉至閭門將奔常遇春營遇春與戰未決吳叅
政黃哈喇把都以千餘人助戰而士誠自出山塘道狹麾其
軍少却遇春拊王弼背曰足下猛其取之弼曰諾馳雙刀而
前遇春乘之吳人大敗多擠于沙盆潭溺焉又吳勇勝軍號
十條龍常銀鎧錦衣出入陣中是日皆溺死士誠馬驚亦溺
肩輿入城忽無所出將降李伯昇使客往說曰臣欲為公
言興亡之計士誠曰何如客曰公知天數乎昔項羽喑鳴叱
咤百戰百勝天下卒屬漢者何也天也公初入高郵十八人
耳而元兵圍公百萬然公卒提孤軍突出東據三吳今既有

地方千里士卒數百萬之衆而反不能敵建康亦此天耳然
今公不忘高郵之危苦志勞心亦可以強今至于此臣恐公
之為項氏也士誠曰足下向者不言今何及矣客對曰公子
弟親戚將帥羅列內外歌妓舞女旦夕酣飲提兵者自以為
韓白謀畫者自以為蕭曹此時公深居于內雖有敗失淹不
以聞即聞亦置之不罪當此之時臣言固不得聞也士誠喟
然嘆曰吾今亦恨之無及矣客曰臣自能及之士誠曰要不
過死耳客曰死而有利則為之不然徒自苦耳公不見陳友
諒乎跨有荆楚兵甲百萬建康之兵戰于姑孰鏖于鄱陽友




諒舉火欲焚其艦天反風火之兵敗身喪何者天也人亦無
如天何今攻公益急公恃湖州援兵則湖州失恃嘉興援兵
則嘉興失恃杭州援兵則杭州失區守此誓以死拒何見
之晚也且夫公地譬之博者得而失之何損于初公何不
此時馳一介使自述所以歸義拯民之意幅巾待命當亦不
失為萬戶侯士誠仰首良久曰足下且休吾自熟思之可也
壬子張士誠復突出胥門鋒甚銳常遇春禦之少卻丞相士
信幟城樓督戰見士疲忽鳴金收軍我奮擊大破之追至城
下復築壘迫其城自是士誠不出士信方據銀椅同叅政謝
節等會食進桃未嘗飛礮碎首死

甲寅裁叅議

壬戌元擴廓帖木兒部將李守道來降留會同館
癸亥都指揮傅友德為江淮行省叅政賜綺帛各十匹千戶
各三疋百戶鎮撫各二疋餘卒賜鹽二十斤賞陵村之功又
召友德入朝以麾蓋鼓吹送歸第翌日遣叅議李飲冰楊希
聖移妓樂飲友德裸而酣遂黥之語友德曰若擐甲胄出百
死一歡之固當彼士人何為者吾不而咎也

戊辰大雨下令免今年民間田租




癸酉誅忝知政事宛平張景以元戶部尚書留之才辨通敏諳習典故多制作而心不忘元嘗私語曰若歸元亦不失富貴陰使人上書頌功德宜及時娛樂吳王斥之又勸峻刑破除豪民不聽會歸元平章長壽丑的弟陰附表并寄其子詢書叅政楊憲侯疾上其書草下大都督接問遂書牘曰身在江南心思塞北遂伏法

甲戌諭憲臣曰人于筮楚下屈抑頡挫何事不伏何求不得古人用刑蓋不得已懸法象魏使人知而不敢犯書云欽恤用刑之本也

七月乙亥朔吳王御戟門閱雅樂自擊石磬命學士朱升辨五音悞宮為徵起居注熊昂曰八音之中惟石聲最難故書曰於予擊石百獸率舞王曰樂以人聲為主人聲和則八音自諧矣熊昂對曰樂不外求在于君心君心和則天地之氣亦和天地之氣和則樂亦無不和矣王深然之


林之盛曰熊公謂石音難辨固也予以為未若黃鍾之宮為難也太史公不解九寸為黃鍾之變而直以為黃鍾之管遂主九分為寸黃鍾八十一分之說蔡季通新書宗之嘗試以其法布筭其增減多差池不齊陽氣冬至後漸升



而律反短則氣有餘而管不足夏至後漸降而律反增則
氣不足而管有餘于是半律子聲之議出焉委曲以相符
變遷以相就其辨雖工恐非造化自然之妙也然則云何
曰呂氏春秋載伶倫斷竹長三寸九寸而吹之為黃鍾之
宮近時李文利祖其說而增減皆以九分惟黃鍾之于大
呂蕤賓之于林鍾其所增減比之他律間有不同蓋大呂
當陰退之極一陽始生則陽雖進而尚弱林鍾當陽進之
進之極一陰始生則陽雖退而尚強大呂林鍾固宜其增
減僅得三分之二也此李氏之所謂神解也黃梅瞿九思

獨辨其非而從漢律未復首肯李而欲尸祝何耶吾于是
而知黃鍾之宮之難夫石音亦何難之有

丙子除郡縣官二百三十四人定賜予道里之費守令文綺
四絹六疋羅二疋夏布六疋父亦如之母婦子各減半其佐
貳官視長官半之家屬又半之幕職視佐貳又半之家屬同
津費知府五十金州減十五縣減二十餘各有差知事吏目
典史皆十金著為令蓋恐赴任假貸或侵剋故先養其廉
戊寅諭諸將從事征討毋妄殺曹彬曹翰事可為勸戒吾嘗
諭徐達能聽吾言攻城下邑不肆誅僇汝輩其效之




甲申右相國李善長等勸即皇帝位不許皆力請 吳王諭
諸臣曰吾嘗笑陳友諒未也而稱帝天命在我其何驟焉
已丑雷震宮門獸吻得物斧形而石質命藏之出負駕前朝
置席示戒遂赦中外獄囚

庚寅置徐州濟南二衛

初方谷珍納款我欲徵之報曰三郡界元吳間明公未便公
守之若克杭撤吳之蔽三郡歸公是我代公守也至是觀望
持兩端 吳王怒使徵粟二十三萬石曰克杭有日矣公何
負成約如故張士誠與公接壤取公振落耳所不敢者誰在

耶吾旦夕下姑蘇奄至公境背城一戰亦丈夫矣不然去之
入海亦一策也然自古未有久海上者公審思之谷珍懼與
子弟將佐謀郎中張本仁曰江左方圖張氏勝負未卜計不
能越境而致于人劉席曰江左多步騎平地用耳柰吾海舟
何邱楠曰二者皆非主所自福也惟智可以決事惟信可以
守國惟直可以用兵昔者江淮之間豪傑並起人、莫不欲
帝然分鼎定者漢與二吳耳漢人敢戰不怯尚死九江張吳
區、如竇中胤敗可知也江左之吳法嚴而軍威諸將所過
秋毫無犯所得府庫還封識之以奉其主弔伐之心此必有



天下且勢已并漢勢有張氏之二公經營浙東十餘年矣不能越三郡不以此時早決不可謂智自居錢鏐抑又背焉不可謂信我之不信彼徵師焉不可謂直莫若與也谷珍不能用
辛丑置太常寺司農大理將作四司楊思義為司農卿劉誠
杭琪少卿單安仁為將作司卿
吳王諭群臣曰古之賢君嘗憂治世其臣亦憂治君然賢臣之憂治君者君常安賢君之憂治世者世常治今土宇日廣人民雖蕃久困未蘇予心未嘗忘憂卿同吾憂國福至矣不

然禍敗隨之不可救藥


八月戊申有賊吏事發赴并死 吳王諭廷臣曰舍生為利此可戒世之貪汚者

癸丑員邨方邨及社稷壇告成

甲寅協律郎冷謙定樂律

乙丑大風雨

丙寅 吳王祀山川畢將還宮顧 世子曰國家初定民始息肩汝知人勞乎夫人貴則驕逸則忘勞若夫貴而不驕逸而知勞心體衆情能為君者也今將士中夜扈從至此皆未



朝食汝可步歸

諭元沂州守臣王信

徵江西儒士顏六奇蕭飛鳳劉于等欲官之俱辭年老賜銀帛遣還


九月甲戌朔命叅政朱亮祖攻方谷珍于台州諭之曰谷珍皆竊偷生往則必下第其民困甚下之日毋殺一人

太廟告成

乙亥故鳳翔衛指揮使丁德興贈都指揮使後追封濟國公戊寅諭中書省臣曰先王之政罪不及孥罰弗及嗣自今民

有犯毋連坐

辛巳大將軍徐達克平江執張士誠時圍久城中木石俱盡糧匱隻鼠直百錢煮及枯革達令作木屋蔽以竹伏卒攻城遂破對門常遇春亦破閭門樞密唐傑登城拒戰知不敵降日晡城陷士誠收餘兵二三萬身戰萬壽寺東街復敗從數騎倉皇歸曰恨不從先母言顧劉夫人曰我死汝柰何曰不獨生子乳媪金抱二幼子出亡驅妾媵上齊雲樓焚之而自經士誠坐空室亦欲自經達使李伯昇往諭伯昇驚前抱持之曰九四英雄患無身耳昇士誠舊盾上達入城約遇春吾




營而左公營而右將士人予一符曰掠民財者死毀民居者
死離營二十里者死師入民不知兵食寢互市如故獲官屬
平章李行素徐義左丞饒介叅政馬玉麟謝節王原恭董綬
陳恭同僉高禮內史陳基右丞潘元紹等諸吏卒凡二十餘
萬并元宗室神保大王黑漢等皆送應天叛將熊天瑞伏誅
吳寬曰張氏據吳建國偃然自王其勢若甚易者何哉蓋
當四方擾攘民心皇無所依歸有能保障之者亦可以
苟安也惟當時主以游說之人濟以脫輦之卒上下伏豫
遂忘遠圖終焉天兵一臨獸伏鳥散三吳故疆竟歸真主

使張氏如錢俶之見幾待命不勞而戰亦足以庀其子孫亦
何至國蹙城破身為俘囚如劉鋹耶雖然倔強激烈負氣
而死其兄弟妻孥亦不受辱較之李重光之柔懦則過之
矣

黃省曾曰張氏帶甲百萬拓國千里稱王改元可謂成矣
而竟一朝冰燼以滅蓋非其人也張氏之興日與騷夫文
客作賦觴酒抱姬倚艷取目前之懽娛初無王者經略出
師無紀守地無法不啻嬰弄兒戲安能無亡也

楊慎曰 高廟云陳友諒剽而輕其志驕張士誠狡而懦




其志小其後二寇之敗卒如聖料比如漢高之料項羽過之矣


高岱曰士誠撫吳會之富饒跨淮南之雄勁顧惴自保不能越江陰以尺寸以窺金陵此豈有遠圖者哉聖祖鄱陽一戰亟遣徐達還建康及友諒敗亡又不從諸將之謀為驅蹙武昌計而亟班師東下者蓋憐以根本為慮雖不欲明言其故而其心未嘗頃刻忘吳寇也假令士誠與友諒犯龍江之時如約夾攻及我聖祖連兵江湖或傾國入寇雖吳良湯和輩善于守禦我聖祖之淵謀雄

略未遽可乘然兵家之策不當如是哉顧于此時悠宴安方且與達識帖睦迺往復爭求王爵此駭豎子之見也曾是而可以成大事乎然輕財好施能以孤城久抗將士無一離畔其亡也甘心就執以死而不受銜壁輿櫬之辱雖不識天命知順逆然亦豪傑士哉

壬午賜浙西將士戰袍

癸未命中書省平章胡廷瑞取無錫州大都督府副使康茂才兵繼之先是吳將莫天祐最驍猛守無錫為平章犄角部將楊茂善沒天祐使茂沒水通士誠徐達獲之盡得其虛實





吳亡天祐守如故

命虎賁左衛副使張興率力士千人赴淮安又練濠州山寨

兵規取膠州登萊

乙酉改平江路曰蘇州府

徐達遣千戶許取通州次狼山守將左丞張降

丁亥置內史監設監令正四品監丞正五品奉御內使典簿

置皇門使正五品副使從五品內使監後改御用監

召湖廣叅政劉德興岳州叅議張斌

無錫守將同僉樞密院事莫天祐降徐達屢使諭天祐俱被

殺至是胡廷瑞等攻之無錫人張翼率父老入語張氏縛矣

公守為誰天祐擲帽于地曰誰不知降也遂降

戊子吳王御戟門閱士諭千戶趙宗等營制首總旗次小

旗又次軍比戶而居凡出征雖婦女互相保臨敵亦如前復

閱騎士分部諭之調馬力因禁私乘戰馬及載物俱罪之

己丑朱亮祖次新昌遣指揮嚴德克闔嶺山寨

俘張士誠至應天舟中閉目倘餓舁入中書省李善長問之


不答也已言不遜善長詈之見吳王曰天日照爾不爾照

我夜自經駙馬都尉潘元紹專嗜殺漁色誅于臺城又山陽

周俵鉄冶也官上卿善聚斂徐達殺之懇曰錢穀鹽鉄藉皆
在我可富國達怒曰爾悞國敢為是言耶

設遷曰有吳沃衍千里物力殷繁羹魚飯稻曳縞履綦戶
卓鄭而家王謝周吳以霸雖有其人夫差終覆狂瀆坐敗
原其地靈稜浮淫汰非神武之藉也張本氏才本鳴吠事
起睚眦桓楚乍僂紀今初誅雖秦郵重湖之阻天關地網
取之如拾遺其後工相秉鉞嚴師江介命在漏刻長城自
壞匹馬騰驤前無堅敵雖水滸泥末之或過矣收集散亡
召號群猾項氏兼梁孫氏兼翊士德士信謀勇足並奮有

淮東疾趨吳會襲春秋之亡軌踵胡元之下風爪牙紈袴
心膂輕俠揖讓多于步伐衣冠盛于甲冑海陵之倉長洲
之苑昔人恃之謂萬世無敵猶假貞琛之表遠交近攻進
寸退尺喪我愛弟僂彼鼎臣席盈履豐終至迷惇田園姬
侍日填衛霍之家觴咏歌呼盡負良平之略迨事急變生
未微時股肱如李伯昇呂珍輩寧倒牧野之戈不救秦庭之
哭蘇臺麋鹿委屬舊游震澤薜蘿徒繁禁榭矣然妖韓偽
徐強漢僻夏皆僭及殊號士誠終其身僅一王爵又不屑
肉袒牽羊之辱其隗囂公孫述者流乎布衣稱雄賴有此



辛卯置宣徽院使尚食尚醞隸之大都督府叅議阮崇禮為

院使

癸巳太醫監改太醫院

朱亮祖兵至天台縣湯槃降

丁酉攻台州方谷瑛出戰敗之指揮嚴德戰死

戊戌送元宗室神保大王及黑漢等九人北歸致元爵書又

貽擴廓帖木兒書備金織文綺四疋

己亥元沂州守將王信遣謝命鎮撫侯正紀報之

辛丑采石靈璧作磬椽桐梓湖州作琴瑟

論平吳功封右相國李善長宣國公左相國徐達信國公平

章常遇春鄂國公達采幣十一雙遇春十雙都督馮宗異平

章胡廷瑞各九雙平章湯和叅政曹良臣各八雙右丞廖永

忠都督康茂才各七雙叅政薛顯趙庸都督副使張興祖梅


思祖各六雙指揮各五雙千戶各四雙百戶各三雙軍各粟

一石益十斤諭諸將曰滅漢滅吳皆公等功公等何忝古名

將今當北定中原矣各努力明日入謝 吳王曰公等還第

置酒為樂對曰荷上恩有之 王曰吾寧不欲宴公等為一

日懽中原未平非為樂時也公等不見張氏乎終日酣飲宜




深戒之賜善長誥曰漢廷命相蕭何在曹參之前唐室紀功
玄齡居李靖之上徐達誥曰太公韜略當弘一代之規鄧禹
功名特列諸侯之表遇春誥曰馮異功不下于鄧禹潘美義
不忝于曹彬

朱亮祖克台州方谷瑛夜走黃巖入之遂徇下仙居諸縣
壬寅 吳王御戟門諭吳降將曰吾諸將皆生長濠泗汝穎
壽春定遠習勤苦不知奢佚非若江南耽佚樂者比汝等亦
非素富貴一旦握兵多耽金帛子女今宜滄舊習盡心効職
從大軍除暴平亂汝等慎之

癸卯新宮成進奉天門曰奉天殿次華蓋殿次謹身殿俱列
廡奉天殿左文樓右武樓自謹身殿入乾清宮又坤寧宮六
宮次馬環皇城四門曰午門東華門西華門玄武門其制堅
朴不飾
命博士熊鼎輯古事可鑒戒者書壁間又書大學衍義于兩
廡將甃地或請琢瑞州文石 吳王曰作宮厲民矣更琢石
于遠耶

置金吾虎賁羽林左右衛已故金吾前後衛及興化和陽廣
陵通州天長懷遠崇仁長河神策等衛



楚國公廖永安喪歸自蘇州 吳王迎祭于郊

十月甲辰朔遣起居注吳琳魏觀等賫幣帛求四方遺賢

乙巳徙蘇州富民實濠州

置蘇州衛

吳王御戟門語給事中吳去疾等吾以布衣起兵李相國徐相國湯平章皆居相近君臣相遇殊非偶然今掃除群雄撫有江南終夜思之恒不安枕人心易動事機易壞撫之失宜施之失當亂方生也
丙午命百官禮儀俱尚左官秩如之

湖廣行省參政楊璟為行省平章政事仍分署荊州

定國子學官制博士許存仁為祭酒 四品 劉承直為司業 五

品 學錄蘇伯衡為學士 九品 陳世昌署典簿 八品 陳宗異署

博士 七品 高暉署助教 從八品 張溥為學錄 從九品


改太史監曰院監令劉基為院使

朱亮祖兵至黃巖州方谷瑛入于海守將哈兒魯降

辛亥置長淮衛于臨濠

祠元左丞相余闕于安慶總管李黼于江州

壬子置御史臺湯和鄧愈為左右御史大夫劉基章溢為御




史中丞文原吉范顯祖為治書侍御史安慶為殿中侍御史
錢用任為經歷何士弘吳去疾等為監察御史基仍兼太史
院使諭曰國家新立三大府總天下政中書政本也都督府
專兵御史臺察百官詩不云乎剛亦不吐柔亦不茹諭湯和
曰今居文職宜親近儒生
癸丑置定遠衛

御史大夫湯和為征南將軍吳禎副之征方谷珍于慶元
吳王曰毋殺當如徐達下姑蘇
右副御史大夫鄧愈言事 吳王曰天下初定足食在勸農

桑立教在興校學卿言非所急也

甲寅檄諭溫台慶元之民

命中書省定律令總裁官左丞相李善長議律官叅知政事
楊憲傅瓛御史中丞劉基翰林學士陶安等右司郎中徐本
治書侍御史文原吉范顯祖經歷錢用任監察御史盛原輔
吳去疾趙麟崔永泰張純誠謝如心大理寺卿周禎少卿劉
維敬等寺丞大理評事陳敏孫忠按察使李祥潘黼滕毅僉
事程孔昭傅敏學王藻逯永貞張引吳彤諭曰網密則水無
大魚法密則國無全民卿等慎之



丙辰遣書諭元將李思齊張思道

丁巳宴功臣于西樓既罷諭曰吾賴諸將以有今日顧勞甚矣大將軍達平章遇春等出死力成功一代元勳也張氏之滅惟大將軍財寶無所取婦女無所近心謂中原未平不敢安志爾等其效之皆頓首謝

戊午考正太廟雅樂定舞制

庚申議北伐時元將山東則王宣宜子信河南則擴廓帖木兒關隴則李思齊張思道 吳王問徐達常遇春計安出遇春請直搗元都 王曰都馬必固逾越梁齊頓師堅城下如

無後繼何吾欲先取山東旋師河南拔潼關守之然後舉元都鼓行而西雲中九原以及關隴何帝席捲也諸將皆曰善

癸亥定樂舞文武用道童各六十四人


甲子中書右丞相信國公徐達為征南大將軍平章鄂國公常遇春副之率甲士二十五萬自准入河取中原

中書平章胡廷瑞為征南將軍江西行省左丞何文輝副之

白江西取福建湖廣叅政戴德隨征

湖廣平章楊璟左丞周德興叅政張斌率兵取廣西

吳王諭諸將曰今諸將非不健鬥然持重有律莫如大將軍



達當百萬之衆推鋒陷陣所向披靡則遇春也顧吾患遇春
輕向見之武昌跳而赴數騎非大將體今達主閩外進取必
自山東始遇春領前鋒趨大敵強即與馮宗異分擊之諸
將若薛顯傅友德皆勇略冠軍此可當一面命廷瑞曰汝故
從陳氏嘗為攻閩知其險要故遣汝文輝德皆吾故人也然
不可以故廢吾法楊璟曰使胡廷瑞取閩平即航海趨命
廣東爾率荆湘之衆進取廣西兩軍合勢何征而不克是日
祭上下神祇于北門七里山祝畢大諭將士曰城下勿妄殺
人勿奪民財毀民居勿廢農具勿殺耕牛勿掠子女獲有遺

孤幼孩還之

乙丑遣


世子

次子

詣臨濠祭先墓命中書擇官輔行

祭所歷郡縣山川城隍少牢諭曰命汝游歷旁郡縣回道途
險易以知鞍馬之勞觀小民業作以知民生之艱察民好惡
以知其情即先人墓訪見父老問吾起兵渡江情形時事知
吾創業不易也

丙寅檄發齊河洛燕薊秦晉人曰自古帝王臨馭天下中國
居內夷狄居外未聞夷狄治中國也宋祚傾移胡元踐位其
初君明臣良維綱天下然冠履倒置志士尚或羞之自其後





人蔑厥典常有如大德廢長立幼秦定以臣弑君天歷以弟
醜兄至于弟收兄妻子蒸父妾潰亂甚矣延及嗣君沉荒失
道加以宰相專權憲臺報怨有司毒虐人心叛離天下兵起
使我中國民死者肝腦塗地生者骨月不相保雖因人事實
天厭其德而棄之、時也天運循環中原氣盛億兆之中當
有聖人出而拯之一紀于茲未之有聞今河洛關陝雖有四
雄忘中國祖宗之姓反就胡禽獸之民其始皆以捕妖為
名用得兵權怙權相吞反為民害予本淮右布衣因天下亂
為衆所推率師渡江居于金陵十有三年西抵巴蜀東連滄

海南控閩越湖湘漢沔兩淮徐邳皆入版圖奄及南方盡為
我有目視中原之民茫無依歸深用疚懷予恭天成命方率
郡英廓逐胡、拯生民之塗炭復漢官之威儀慮民未知反
為我仇挈家北走陷溺尤深兵至勿避予無秋毫之犯惟我
中國民則中國之人君居之夷狄何得而治哉
丁卯徐達至淮安遣諭沂州守將王宣宣子信
已巳 吳王恐王保、弟脫因帖木兒潛師擾邊遣飭廬州

安豐六安濠泗蘄黃襄陽守備

湖廣行省遣千戶蔡天祿克寶慶新化縣






朱亮祖兵自黃巖至溫州敗方明善于城南奔入城攻克之
獲負外郎劉本明善挈家先遁亮祖分兵狗瑞安樞密同僉
謝伯通降
辛未沂州王信降授江淮行省平章政事仍書勞之而信陰
持兩端 吳王密諭徐達曰王信未可狃宜向沂州觀其變
如納款則分其兵如閉門即攻之
壬申 世子還自臨濠
立茶陵衛
十一月癸酉朔朱亮祖以舟師襲敗方明善于樂清之盤嶼追

至楚門遣百戶李德招之
乙亥夏使鄧良叟來聘命從徐達北征
丙子徐達次下邳遣都督同知張興祖趨徐州進取山東
己卯徐達至榆行鎮元僉院鄺毅等降
庚辰平章韓政次梁城元同知樞密院盧斌等降
辛巳征南將軍湯和克慶元縣初和渡浙江夜入曹娥江夷
壩通道直抵車廐逼慶元方谷珍封府庫具民數使院判徐
善等出降自航海追敗之斬溺甚衆擒副樞方維一元帥戴
廷芳等還師狗下溫台縣諸


壬午沂州王宣時遣徐唐臣諭分其兵北征宣令子信往
莒州密治兵而佯犒師夜劫唐臣走之徐達兵至攻克之
甲申王宣又降徐達令宣遣鎮撫孫惟德招信書不聽殺惟
德走山西嶧州莒州海州及沐陽日照贛榆等處皆降徐達
謂王宣反覆誅之指揮韓溫守沂州
乙酉大都督府副使康茂才為都督同知鷹揚衛指揮使郭
子興天策衛指揮使陳德並為僉都督
戊子元沂水守將張雲翰納款
己丑中書平章廖永忠為征南副將軍自海會湯和征方谷

珍祭海上諸神
方谷瑛遣子文信經歷郭春降于朱亮祖
庚寅勅徐達曰將軍今何向向益都則必扼黃河斷其援即
不向益都西取濟南濟寧使兵難遙度其在將軍金火二星
會于丑分望後火逐金踰齊魯以時進取毋失
壬辰方氏諸將多降于湯和谷珍乃使谷珉遣子明完明則
籍所部吏士舡馬資糧以降谷珍與子明善出降朱亮祖于
黃巖上表曰天無所不覆地無所不載王者體天法地于人
無所不容臣荷 陛下覆載生成之德久矣安敢自絕于天



地竊念臣本庸才處于季世保境安民非其黃屋左纛之念
曩者陛下霆轟雷掣至于婺州臣愚以為天命有在遣子
入侍于時固知陛下有今日矣日月中天幸依未造而
陛下開誠布公賜以手書歸其質子俾守郡縣如錢鏐故事
十年之間與中吳角立皆陛下之賜也迨天兵發臨吳會
臣嘗上書謂朝廷杭越莫歸田里不意今年以來老病交攻
頓成昏昧而兄弟子侄志意不齊致煩陛下興問罪之師
方懷憂懼未能自明而大軍已至台溫令臣計無所出雖遣
使再三而承認之師勢不能已是以封府庫開城郭以俟王
師之至然猶未免為泛海計者昔孝子于其親也小杖則受
大杖則走今臣之事適與相類雖然臣一介草莽安敢自絕
于天地故每欲面縛待罪闕廷復恐陛下萬一震怒天下
後世不謂臣得罪之深將謂陛下不能容臣豈不累天地
之大德哉臣謹昧死奉表伏俟嚴誅蓋寧海詹鼎所草也

張溥曰秦傳二世吳廣起兵于蕪劉邦起兵于沛項梁起
兵于吳元滅金宋傳世而方谷珍起兵于台州劉福通
起兵于潁川徐壽輝起兵于羅田郭子興起兵于定遠張
士誠起兵于泰州二代之興嘗自西北其亡也禍則發于



東南東南為國咽吭豈不諒哉

吳王讀方谷珍表曰孰謂方氏無人哉趨谷珍入此段在張溥曰之上

設遙曰方氏舉事最早割温台慶元而限之叛服不常狙

元之德移色于金陵颯技易窮狙詐取敗彼亂世之禍首

也其能免也乎雖然漢廢其顛吳組其頸方氏雖後至獲

保牖下嗚呼千古所以貴實融也

甲午吳王沐浴觀于員邱世子從使道之農家觀其居

處飲食器用還謂之曰汝知農乎終歲勤動居不過草茅服

不過練衣食不過羹糲國家經費皆其所出故令汝悉之復

指道旁荆楚示之曰是惟櫛楚古人以為朴刑能愈風故刑

而不殞孺子識子

乙未太史院上戊申大統歷御殿受之命明年十月朔進

丙申御戟門語侍臣慕容超郊祀時有赤鼠如馬之異成公


綏以為信奸佞害賢良重賦役之占妖由人興吾嘗以此自

警

已亥中書叅政傅瓚言都人有滯獄逾半歲吳王嘆曰近

地猶然如遠何命有司治獄其即時決遣

庚子平章韓政使千戶趙寶克滕州



辛丑徐達克益都路平章普賢不花死之知院張俊携妻子
投井死遂徇下壽光臨淄昌樂高苑等縣濰膠博興等州得
吏卒萬五千餘人指揮葉國琛等守益都送平章李保日知
院白 於應天

十二月癸卯朔日食

甲辰律令成刊布之

乙巳徐達招撫樂安守將俞勝明日兵次長山北河般陽路
總管李圭降淄川新城等縣皆靡矣

丁未諭徐達常遇春曰山東降將若留舊地養虎遺患也漢

馮異平三輔遣其渠帥詣京師將軍其思之
大都督府同知張祖興兵至東平元平章馬德棄城走追至
東阿元叅政陳璧等降次安山鎮元右丞社天祐左丞蔣興
降得五百餘艘


元衍聖公孔希學孔子第五十六代孫率曲阜縣尹孔希章鄒縣主簿

孟思諒等迎張興祖兗州以東諸縣皆從降

置尚寶司設侍儀引進使教坊司

設內職六尚局

戊申宋廸還自山東言張興祖待降將優甚俾領舊兵從征



吳王危之令宋廸往諭興祖今後降將及吏士之才者俱入

京師勿自留

徐達至章邱守將右丞王成降

已酉徐達至濟南平元章忽林台詹同脫因帖木兒先遁平

章達朶兒只進巴等降指揮陳勝守之送達朶兒只進巴等

入京道逸

征南將軍胡廷瑞至邵武元守將李宗茂降

庚戌張興祖克濟寧

辛亥諭徐達常遇春曰將軍已不齊魯諸郡矣屢勝之兵易

驕久勞之師易潰尚慎戒之

密州守將邵禮降于徐達

湯和籍方氏步卒九千二百人舟師萬四千三百人官吏六

百五十人粟十五萬一千九百石他物稱是又元昌國州降


得粟六萬九千石海舟四百八十二艘

壬子樂安守將俞勝降

癸丑左丞相李善長等勸進吳王辭固請固卻之明日又

請許之

乙卯改慶元路曰明州府



丙辰諭徐達常遇春曰元省院官降者今俱遣東來處我官屬開習而復用之夫人藏其心不可度也吾慮或晝敵而夜盜丁巳征南將軍胡廷瑞副將軍何文輝兵至建陽元守將曹復疇降指揮沈文仁守之

元蒲臺守將荆玉鄒平縣尹董剛降于徐達

徙方氏官屬劉庸等二百餘人居濠州

戊午頒律令直解

命征南將軍湯和副將軍廖永忠都督僉事吳禎自明州航海取福州


己未廣信衛指揮沐英破分水關克崇安縣

庚申凌說為浙東按察使敝衣陞辭 吳王曰雖好儉無若公孫弘飾詐也說慚而退

辛酉李善長上即位儀注

癸亥中書省議科池宣徽太平民布囊輸粟以苛細出庫布為之母煩民

甲子御新營祭告上帝皇祇曰惟我中國人民之君自宋運告終帝命真人來自沙漠百有餘年今運亦終天下紛爭惟帝賜臣英賢遂戡定之今輿地周迴二萬里臣下曰生民無




主必推臣帝臣不敢辭亦不敢不告是用明年正月四日設
壇鍾山之陽惟帝祗之簡在如臣可君祭日天澄氣和臣若
不可當亦異焉
徐達遣叅政傅友德取萊陽

丙寅祝太廟名其諸子曰標曰棟桐棣楨樽從孫曰熾後改
守謙製麻履行滕令出城稍遠馬行三步行一


定內使冠服


李善長等進儀衛有天下太平皇帝萬歲之旗謂夸火去之
徐達自濟南還益都進取登萊

戊辰元登州守將董卓萊州守將安然及福山等縣皆降
庚午湯和克福州初元行省平章陳友定留其將賴正孫謝
英輔鄧益等以二萬人守福州自率精銳進延平湯和乘舟
師抵五虎門擊敗元平章曲出叅政袁仁夜納款明日兵入
城鄧益拒戰水部門擊殺之正孫英輔曲出皆遁叅政尹克
仁赴水死行宣院前政院使朶耳麻不屈下獄死之行省郎
中柏帖木兒嘆曰戰守非我得為引妻妾坐樓端慷慨謂曰
丈夫死國婦人死夫義也城且陷吾必死若等從乎皆曰惟
命縊而死者六人男三歲出金珠昇乳媪曰宗不可絕也為





吾匿之民舍有急贖之有頃兵入自焚死和遣袁仁及負外
郎余善招諭興化汀泉分兵徇福寧等州縣
命官往撫山東郡縣曰新民望治猶疾望醫
有攻有保攻者伐耶保者扶衰民脫喪亂外邪已去今望扶衰休養生息
在賢守令
龍驤衛指揮同知金朝興為指揮使梅思祖為浙江行省左
丞
置市舶提舉司浙江按察使陳寧為提舉
是歲分縣三等賦十萬石下曰上縣知縣從六品丞簿從七







國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393385 v. 2



國家圖書館, NATIONAL CENTRAL LIBRARY, TAIWAN, R.O.C.





八賦六萬石下曰中縣知縣正七品丞簿正八品從八
 萬石下曰下縣知縣從七品丞簿秩視中縣典史俱省注
 減金華田租初餉匱增額至是行省平章李文忠言之




戊申洪武元年 元至正二十八年是秋元亡 夏開熙三年


正月壬申朔免朝賀

國權 洪武

百四



國家圖書館, NATIONAL CENTRAL LIBRARY, TAIWAN, R.O.C.



甲戌戒飭百官將南郊

元萊陽守將世家寶降

乙亥 吳王祀天地南郊即皇帝位于郊壇南國號大明改

洪武元年追尊四代

德祖玄皇帝妣胡氏玄皇后

懿祖恒皇帝妣侯氏恒皇后

熙祖裕皇帝妣王氏裕皇后

仁祖純皇帝^淳妣陳氏淳皇后還御奉天殿百官表賀受之左

丞相宣國公李善長奉冊寶立 妣馬氏為皇后世子^標為

皇太子

李善長徐達為左右丞相功臣進爵有差

丙子詔曰自宋運既終天命真人于沙漠入中國為天下主

傳及子孫百有餘年今運亦終海內土疆豪傑分爭朕奉准

右庶民荷 上天眷顧 祖宗之靈遂乘逐鹿之秋致英賢

于左右凡兩浙兩廣江東江西湖湘漢沔閩廣山東及西南

諸部蠻夷屢命大將軍與諸將校奮揚威武已皆戡定民安


田里今文武大臣百司眾庶合詞勸進尊朕為皇帝以主黔

黎勉狗輿情于吳二年正月四日即皇帝位 云 布告天下

國權

洪武

百四十五




咸使聞知 初元詔首曰上天眷命意稍夸至是首曰奉天承運

設遷曰漢祖手三尺劍帝業不五載唐之堯神財決歲何
拔興之易也敵漢者獨羽餘皆草偃隋末兵弛群盜驕脆
今以一布衣無少馮藉經營天下友諒猶羽也士誠猶建
德也谷珍友定猶蕭銑劉黑闥也合漢唐之勁分而角之
十有七年始正殊號而大都之下在于是秋王庭北矣創
業之艱百倍前代宜愧之致戒于慎守也

詔追封皇伯考 五一 為壽春王兄 興隆 南昌王 興盛 盱眙王
興祖 臨淮王從兄 重一 霍邱王 重二 下蔡王 重三 安豐王 重

四 蒙城王侄 聖孫 山陽王 旺兒 招信王從侄 賽哥 高沙王 鉄
哥 寶應王 轉兒 六安王 記兒 來安王 滕兒 都梁王 潤兒 英山
王皇伯妣劉氏嫂劉氏從嫂翟氏趙氏俱封夫人
作太廟祭器俱從時製曰先人不習古籩豆也

湖廣行省平章楊璟攻永州元右丞鄧祖勝乞援于全州平
章阿思蘭兵至擊敗之
元興化州降湯和進兵延平勅曰服人以德負固乃威凡推
德先邇者允示威先大者又曰欲人不違當使以信欲人成
功當任以專不信不專爾之所短故用爾戒



丁丑大宴群臣于奉天殿三品以上大臣俱登殿餘墀馬諭
曰朕賴諸將以有今日然念天下之廣生民之繁憂懸于心
夜不得枕御史中丞劉基曰今大事已定宜少紓其憂上
曰堯舜處治尚猶憂之况海內人民脫創殘猶新也

元寧海文登守將降

戊寅 上自舊內遷新宮

設遷曰六朝舊址俱近秦淮都城東自白下橋止 聖祖
拓城東及鍾山之麓填前湖立大內規制雖宏屬在東偏
又城勢中下青溪外流 聖祖晚悔之慮改建病民其見

于祀竈文者可攷也噫一代鼎建僅奉宸者四十二年視
未央九成頗遜其盛抑數有適然耶

方谷珍入朝 上曰公胡反覆陰陽戎師勞我耶實公左右
舞小智悞公公不能自裁耳遂賜第京師

庚辰或獻于闐玉作璽一圭一

辛巳置東宮官屬李善長兼太子少師徐達兼少傅平章鄂

國公常遇春兼少保大都馮宗異兼右詹事平章胡廷瑞

督


廖永忠李伯昇兼同知詹事院事左丞趙庸右丞王溥兼副

詹事丞政楊憲傅瓛兼詹事丞同知大都督府事康茂才兼

國權

洪武

百五



左率府使張興祖兼右率府使大都督副使顧時孫興祖兼
同知左右率府事僉大都督府事吳禎耿炳文兼左右率府
副使御史大夫鄧愈湯和兼諭德御史中丞劉基章溢兼贊
善大夫治書侍御史文原吉范顯祖兼賓客初劉基陶安議
倣元制立太子為中書令上陋之令廷臣兼宮僚可無嫌
隙昔周公教成王曰克誥戎兵召公誥康王曰張皇六師二
公所言不可忘也

元左丞周文貴援永州左丞周德興擊敗之
壬午上欲官皇后族一皇后止之

胡廷瑞何文輝攻建寧元同僉達同僉里麻叅政陳子琦等
固守回圍之

癸未元兵自廣西援永州屯東鄉橋甚盛楊璟遣鎮撫呂深
指揮袁子明等擊敗之寶慶百戶周迪戰死

甲申遣周鑄等百六十四人覈田浙西蓋版籍多亡戒勿增
損其間


丁亥置中山衛濟寧左右衛

壬辰胡廷瑞克建寧同僉達里麻總管翟也先不花降于何
文輝胡廷瑞怒欲屠城文輝止之乃整軍入執叅政陳子琦

國權

洪武

百六



詣京師獲吏卒九千七百九十餘人指揮費子賢守之廷瑞
避御字改名廷美

丙申大將軍徐達復自益都至濟南

已亥遣道士周原應往山東萊州祭海神

庚子鄧愈為征戎將軍率兵取南陽以北

設大都督府斷事官

從五品

立善世院僧慧曇領釋教事立教院以道士經善脫為真人
領道教

置各處水馬站及遞運所急遞舖

湯和克延平初上使使招陳友定會諸將殺使者取

友定

血和酒盟諸將飲之亡何我兵至友定戰不利歸謂諸將彼

遠門甚銳毋戰也徒多殺將吏吾壙山塹壑蓄屏器飽士而

久之皆曰善使卒城守盡日夜頗怨諸將數請出戰不許已


疑部將蕭院判劉守仁奪其兵殺院判蕭劉守仁懼來

降士卒多夜遁圍十日會軍器局火發我急擊溺之友定出

省堂召樞密副使謝英輔參政文殊海牙訣曰公等善為計

吾自死元耳按劍仰藥英輔與達魯花赤白哈麻亦具服北

向自經文殊海牙賴正孫等迎降我兵昇友定屍值大雷雨



復蘇其子海自將樂來就死并俘京師 上詰友定曰若殺

我胡將軍又不內使者今何憊也雖然降我尚官爾否則伏

銅馬友定恚曰已矣毋多設安得加死我乎伏銅馬銅馬者

大馬遂併殺海

友定字安國福清人少孤贅于清流羅氏家君販克明溪驛卒壬辰盜起應募累見功

王世貞曰閩粵中立兵革之間越山海而委輸彼其反掌

矐視為陳張所為豈不易哉擴廓躡立間閩百折而趨

北友定驅妻子駢首東市乃其喻于節亦明矣

陳廷諤曰友定乘時幸勢希覬身謀又不知天命拒抗王

師自取殺僂豈真忠于元者哉噫是不然方元季時閩中

巨寇起若蝟毛如亦思巴奚阿巫那曹柳慎葦據險阻而逞

兇惡擁兵各數萬友定平之直如反掌耳陳友諒所陷郡縣

省臣數年不能拔友定承檄一旦逐之若掃塵拂芥然則

當時父老之推戴豪傑之畏服者非友定而誰哉斯時也


殺死守將自署官屬僭位號與友諒士誠等負勝負奚為

不能而方且按兵養銳非奉臺省命兵不輕舉王師未南

下時常招之矣友定豈不知勢者哉使其命子命居守而

身詣投降則我 太祖之寬仁如天且將取其長而用之

何至殺之耶惟其分兵而守計在必成時危勢去卒死封




疆嗚呼洛邑所謂頑民得非商之忠臣乎衛融曰夫吠非
其主况當時崛起肆凶居位失節者比之而起不于此置
喙而于友定獨議之酷耶一介武夫身不知書能見義敢
為樹十二年保障之功亦可謂一時之雄也已 歸化縣志
設遷曰京山高岱極詆友定云託名元臣實為元賊蓋謂
其刑政自恣也噫彼起田間奪閭于群盜之手以身殉之
視李黼余闕葦功尤烈 聖視禮葬福壽而死友定何惜
也彼誠得死所矣悲夫

辛酉立建昌衛

天下有司官來朝陛辭 上曰初飛之鳥不可拔其羽新植
之木不可搖其根天下初定財力俱困夫惟廉者能約已而
利人爾等其思之

二月壬寅朔中書省翰林院上 郊社廟儀

湯和下漳州元達魯花赤迭里彌實嘆曰吾有死而已朝服
焚香北面再拜曰臣四十始仕不數年致位二千石國恩厚
已今力不能禦義不忍降惟以死報遂斫印佩刀自刎死猶
接膝如生吏民走哭奠之東門外迭里彌實而城人字子初
姓合魯温屢殲群盜復省治居官有惠政總制陳馬兒以城



降

癸卯召湯和還明州作海舟轉餉北軍命平章廖永忠為征南將軍叅軍朱亮祖副之航海取廣東

汀州守將陳國珍來降

乙巳元濱州帥

丙午征南副將軍常遇春自濟南趨東昌

丁未國學祀先師孔子太牢仍致祭曲阜

戊申上祭太社太稷

己酉命李文忠總兵往福建

庚戌遣左丞王溥賚上樽賜徐達行營頒將士

壬子翰林學士陶安進宗廟時享禮命春特祭餘三時合祭

太常寺祭宗廟月朔薦新禮上覽畢悲嘆久之曰嘗聞為

人子者願為兄朕為弟養日不長喪徒悲耳

詔復衣冠如唐制禁胡服胡語胡姓名

癸丑常遇春克東昌元平章申榮死之在平等縣皆降遇春

還濟南


甲寅平章楊璟遣千戶王廷相克寶慶先是次邵陽茱萸灘

敗其守兵周文貴遁去

國權

洪武

百三



乙卯作棉布戰衣三萬襲分紅紫青黃

夜有大星流雲中

丙辰征南將軍廖永忠遣諭廣東元江西分省左丞何真

丁巳都督同知康茂才率師往濟南

己未諭侍御史文原吉等曰日月之行猶有薄蝕朕凡事豈必盡善臺臣久無諫諍抑朕不能聽受耶

壬戌命贛州衛指揮使陸仲亨率兵自韶州搃德興三方進

師會楊璟廖永忠犄角取兩廣

甲子命各行省各鴛鴦戰襖一萬表裏殊色可更服

樂安守將俞勝復叛徐達討平之

乙丑諭徐達等以都督馮宗異領羽林等衛壯士各及衛軍都督同知張興祖康茂才右丞薛顯叅政傅友德等俱赴濟寧草橋聽遣


議役法田一項役一人不及頃則湊之曰均工

丙寅樂安平元丞相也速平章忽林台等兵至徐達擊敗之

戊辰陶安等議五冕上曰五冕禮太繁今大祀服衮冕社

稷等祀服通天冠絳紗袍餘已之

庚午追封故姊孝親公主封李貞駙馬都尉思親侯



選國子生周琦王璞張傑等十餘人侍太子禁中讀書

三月辛未朔命翰林學士朱升脩女誡

增國學齋舍

命京省鑄洪武通寶錢

立廣信守禦千戶所

征戎將軍鄧愈遣襄陽衛指揮副使王遇成孫茂先分道取

南陽

汀州路總管吳崇降于何文輝

壬申克全州元平章阿思蘭遁左丞周德興叅政張斌入之

道州萬戶吳友遜寧遠州土官李文卿守藍山縣元帥黎康

陵等皆降

癸酉遣祭仁祖陵及魯山淮河

祀三皇太牢

甲戌元江西分省左丞何真上廣東戶籍兵餉印章奉表降

于廖永忠事聞詔曰元綱解紐天下瓜分朕除殘去暴十有

四年邇者遣將四征所向克捷昔思豪傑之士保境安民以


德待有德若竇融李勣角立羣雄間非真主不屈此漢唐名

臣歎今未見爾其連數郡之衆不勞師旅先期來降又奚讓

國權

洪武

百五十四



馬鳴呼爾實俊傑識時達變特遣驛召朕將錫爾名爵

乙亥徐達發樂安

壬午立泉州衛

癸未元常寧州降

甲申征南大將軍徐達定山東奏得卒三萬二千餘人馬萬

六千餘匹糧五十九萬七千餘石蓋五萬三千七百餘引布

絹八萬七百餘匹近臣請開山東銀場 上以勞民不許

丙戌平章楊璟克武岡州

徐達至濟寧送衍聖公孔希學入京開耐勞坡壩引舟師自

鄆城趨汴梁

戊子命中書省給榜撫安山東訪賢才時元遺臣多疑懼不

安故諭慰之

四庚寅立汝寧衛

辛卯夜彗見昴北

壬辰征南將軍廖永忠舟師至潮州

征戎將軍鄧愈克唐州


夜有流星自天皇北行三丈餘近濁没

丙申鄧愈移南兵陽克之獲元蔡國公史克新平章張敬等

國權

洪武

百五十五



降卒千五百餘人

乙亥命禮官儒士輯存心錄俱先代祭祀感召之異

徐達至陳橋元左君弼竹昌以汴梁降守將李克彛走河南

君弼感 上歸其母止克彛出戰達入之

立建寧衛沐英為指揮使立樂安衛

四月辛丑朔定木棉桑麻徵額麻畝八兩木棉畝四兩栽桑以

四年科之

蕪州進竹簟 上卻之曰未徵而進啟貢獻之門自今毋輒

進

立汀州衛

穎州衛指揮使陸仲亨等略定英德清胥江連州肇慶等

遠

郡縣進攻德慶守將張鵬程遁遂引兵會廣東廣州府

立温州衛

夜彗指文昌近五車

甲辰徐達自中灤進取河南命都督僉事陳德守汴梁

乙巳征南將軍廖永忠次虎頭山門元元帥張

某降


丁未裕享太廟

山東博興人高翼等入謝蠲租 上諭以爾歸見鄉里父老

國權

洪武

百卷



毋來謝各津遣之

戊申命太廟俱金器

命繪孝行及身所歷艱難戰伐事為圖示子孫曰富貴易驕
久遠易忘後人生長深宮惟習奢侈不知祖宗積累之難故
示之

徐達出虎牢關次河南塔兒灣元將詹同脫因帖木兒以五
萬人陣洛北遇春單騎突陣射其前鋒死達麾指揮任亮康
茂才耿炳文等乘之追奔五十餘里脫因帖木兒走陝州達
進屯城北李克彞亦走陝州于是河南行省平章梁王阿魯

溫降命右丞趙庸守之

征南將軍廖永忠至廣州龍潭元右丞盧 降

元國子祭酒孔克堅來降賜第一區月粟二十石

巳酉夜彗滅


辛亥元鄭州滎陽百尺寨守將叅政楚諒亮

壬子常遇春下嵩州

乙卯徵河南儒士睢明義鉅昂臣程彥魯秦彥洪哈天民王

克明馮子端過仲德單有志王儀

廖永忠克廣州三山寨誅偽叅政邵宗愚



丙辰元龍門守將叅政保重偃師守將儲德降

丁巳平章楊璟克永州元右丞鄧祖勝自殺蓋圍久力不支
百戶夏升出降夜攻入之叅政張子賢猶巷戰而潰被執并
元帥鄧思誠等調衡州衛指揮同知丁玉守之

戊午徐達遣都督同知馮宗異康茂才等分兵取陝州

鞏縣孟夏寨守將叅政李成降

庚申守福昌知院張興鈞州 哈利魯許州右丞謝亨陳

州知陳院楊崇俱降

辛酉常遇春下汝州郊縣

壬戌都督同知馮宗異等至陝州元將脫因帖木兒遁入之

都督同知康茂才守陝州宗異遣諭登封等山寨

癸丑置山東行中書省江西叅政廣洋調山東翰林學士

汪

陶安為江西行省叅政

故叅軍胡深贈縉雲郡伯


侍儀范常為翰林直學士尋兼太常卿尋以病死歲餘徵諸
詣闕如舊秩尋遷起居注又疾甚乞休 上作詩五言賦之
賜勅尋卒子組官雲南叅政

胡松曰予時、問長老以鄉先生聞人皆言常貌不踰中

國權

洪武

百五



人平居恂恂，長者是其遭時遇主，言聽計行，熙鴻績垂，休聲凡為明兵佐，金元勳焉。太史公謂士不附青雲，功名不施于後世，豈不誠然乎？假令常委曲，匡輔不以直見，疎其功烈，亦何可勝道哉！然則常其君子乎？

甲子，上發京師，馳諭馮宗異若克潼關，勿遽西，宜簡將守之。過其援兵，爾回汴梁，俟朕議之。

守方山寨儒官程夢魯降於徐達。

馮宗異克潼關，元將李思齊走鳳翔，張思道宵遁走郿城。

丙寅，馮宗入，異潼關西略華州，元將皆潰。

丁卯，指揮唐黑塔等攻裕州，泉白寨元平章郭雲堅守不克。

元孟津守將萬戶李恕答底寨知院陳德庸降。

五月庚午朔，立沂州衛。

昌國州蘭秀山盜臨象山縣鄉兵蔣公直、王剛甫等擊敗之。

遣大理寺卿周禎錄其功，賜公直剛甫各白金百二十兩。

徐達至陝州，調都督僉事郭子興、鷹揚衛指揮于光、威武衛指揮金興旺等守潼關要隘。


癸酉，袁州衛百戶艾明擊山盜，戰死沙陂橋，特予祭葬。

徐達貽太原擴廓帖木兒書，遣指揮王臻往虢州取毛葫蘆。

國權

洪武

百五十九



山寨

南陽鄧州等處土
兵團結曰毛葫蘆

上道邳州驛東門諭知州李相曰山東故官聽其自便朕將
用之其赴京給廩還鄉給粟一斛

丙子遣降將李二忻都從大將軍北征

己卯廖永忠朱亮祖至梧州元魯達花赤拜住迎降元吏部

尚書普顏帖木兒張翱入廣西次藤州聞警不能拒走鬱林

追之普顏帖木兒戰死張翱赴水死亮祖入藤州濬桂梧容

諸州郡次第降

辛巳徐達馮宗異等還河南遣指揮唐英撫諭鞏縣諸山寨

癸未夜有流星自天市西垣至東垣沒

甲申擴廓帖木兒報饋徐達受馬三匹金反之

指揮任亮克霧豹寨

夜太陰犯填星


庚寅上至汴梁

辛卯改汴梁路曰開封府常遇春馮宗異謁行在

癸巳置中書分省于開封中書叅政楊憲署省事

乙未常遇春復往河南

丁酉江西行省左丞何文輝初召還扈從改河南指揮使守



河南

戊戌歸德府改州隸開封

立漳州衛道州禦千戶所

六月庚子朔大將軍徐達自河南謁行在上勞之曰河朔士

民忍倒懸以待宜以時進建勛立業此其日矣既退問達計

曰大兵平齊魯掃河洛擴廓自掃之不暇而敢離其穴我西

據潼關李思齊張思道魄奪遠竄元都一阱中孤豚耳誰語

與為臂指者弟師進而彼北奔不窮迹之將為異日憂上

曰元運替矣彼且自漸盡何煩我窮兵為出塞之後固守疆

圍防其侵軼可也授以圖令選偏裨為先鋒督水陸兵繼之

轉粟山東由鄴趨趙從臨清而北以抵元都達頓首受命

壬寅上祀開封諸神仍遣祭域內山川

命江西行省叅政黃彬鎮袁州招各山寨捕卒其賊以


癸卯徐達出次河陰不

甲辰元海南海北道元帥羅福等來降守雷州廉訪使廬山

海牙走江安南


已酉指揮曹諒克青山寨元叅政王興祖降

已未徐達以常遇春至發河陰趨開封暮次陳橋



壬戌楊璟朱亮祖合攻靖江克之璟自永州攻靖江屯北關
亮祖以蒼梧之師會于東門象鼻山決其濠水築隄並城克
其北門元總制張榮射書約降縋城出見璟與之白璟帽百
餘以示分別夜入之執平章也兒吉尼趙元隆陳瑜劉永錫
廉訪使僉事帖木兒不花元帥禿蠻萬戶董丑漢府判趙世
傑皆自殺叅政張彬屯南關忽守者詬之欲屠其城以楊璟
禁殺人而止也兒吉尼送京師

高岱曰平嶺南功廖永忠朱亮祖楊璟陸仲亨為多朱廖
既平廣東復會璟征廣西其功尤著要之諸將皆能不殺
故成功之易耳觀張彬志詬已者誓欲屠城及城下終不
妄殺可謂抑情奉法賢將哉 聖祖分遣諸將三道進兵
揣分合之勢籌先後之規如燭照數計之無遺者卒致成
功不爽毫髮此其聖智神武豈前代帝王所當及耶乃若
何真之息民保境又能識 真主順天命卒之脩極榮寵
同一時難得之才而鄧祖勝賀興隆張翱普顏帖木兒趙
元隆董丑趙世傑輩皆知元命已訖聲援已絕非有祿爵
之冀威令之怵也乃能守死不移以圖報其主雖有逆命
之罪然可不謂之忠乎



夜有大星自紫微流至雲中

甲子故陳友定將金子隆糾眾陷將樂殺知縣馮原攻延平

指揮羅德聚千戶李白擊卻之

乙丑賜北征諸將夏衣

丙寅都督同知馮宗異為征南右副將軍

置刺期百戶所選急足二百人專捷報張德成領之

金子隆復攻延平官軍破走之

戊辰廖永忠進師南寧降之

分浙江江西蘇松常鎮等轉粟三百萬于河南開封

永新州大雨水蛟出江溢溺人畜命賑之

命平章李文忠率兵討金子隆等逋寇

遣祭故元將察罕帖木兒

故陳友定泉州總管陳 攻陷同安泉州衛指揮僉事周淵

擊斬之

七月己巳朔太白犯井

鄧愈下隨州


廣西左江太平府土官黃英行右江田州府土府岑伯顏等

降于楊璟

國權

洪武

百三



辛未罷鑄錢尋復之

壬申上自畫征進陣圖馳授徐達令各衛轉餉濟寧
丙子勅諭北方新授守令給賞養廉
己卯勅徐達召山東諸將會兵東昌


戊子元平章阿思蘭以廖永忠遣指揮耿天璧再敗之勢慮
以象州降廣西悉平

何喬遠曰上有天下開中原則大將軍諸人南方惟閩
中二廣下閩雖胡美要湯和李文忠沐英先後之其功分
且皆傳檄而定若二廣底平廖楊矣

己丑都督同知康茂才兵自陝州渡河取安邑夏縣
庚寅賑卹中原孤貧老穉中書省臣慮財匱上曰周窮乏
者不患無餘財患無其心果心注之何憂不贍

辛卯平章楊璟班師還京
上將發開封大將軍徐達等自陳橋入辭諭曰元祚將百年
君則有罪民則何辜克城之日毋焚掠毋妄殺使吏民皆安
堵允元宗戚亦善待之成朕伐罪救民之意有不恭命者罰
毋赦

丙申上發開封命副右將軍馮宗異留守



高岱曰汴京一幸足以繫中原之心而命馮勝駐汴梁鄧
愈駐襄鄧分布遙制皆有微權其所以控制形勢駕馭英
雄之略豈淺識之士所能窺測其萬一哉百不奉命啟階
焦山等寨盜寇汝州何文輝遣指揮任亮擊破之吏月杳安
丁酉皇太子攝享太廟

元彬州守將左丰楊降于楊璟

京師永濟倉火

楊州自五月不雨傷稼

徐達檄都督同知張興祖平章韓政都督副使孫興祖指揮

高顯等以益都徐州濟寧兵會東昌命右丞薛顯參政傅友

德右丞趙庸平章曹良臣俞通源都督副使顧時右丞梅思

祖各分兵渡河

南海盜馮蘭等作亂義民閔敏擊賊死之贈敦武校尉兵馬


指揮使副指揮為之表其鄉曰忠義立祠歲祭

戊戌儒士李訥上書乞有司存卹鰥寡上然之

是月帶刀舍人周宗奏皇太子國之主器宜擇忠良之士

與之居處其侍御僕從亦選正人使日見正事聞正言國本

既固又廣用人才而用之欲求人才宜開學校立學官教養



為異日用 上大是之

閏七月己亥朔遣犒北征諸將士

庚子徐達發開封狗河北游荒道第次于安邱右丞薛顯叅

政傅友德等下衛輝元平章龍二走彰德

濟南降將僉院喬 叛指揮陳勝楊春討平之

夜有大星自天津流雲中

辛丑徐達至淇門鎮獲嘉縣尹胡仲信來降

癸卯徐達兵至彰德降之

乙巳徐達至磁州召指揮王臻還兵守漳河

丙午徐達進邯鄲元兵遁

丁未徐達上還京師

徐達進廣平元平章周昱遁

慈利軍民宣撫使夏克武等貢方物授克武中書斷事單臣

湖廣理問

己酉徐達次臨清趣都督同知張興祖等自東昌會


徵天下賢才至京授守令俱厚賜遣之

庚戌叅政傅友德游騎獲元將李寶臣都事張處仁遂導師

達因遣友德開道以通步騎都督副使顧時浚閘以通舟師

國權 洪武

百六



詔定軍禮

壬子常遇春克德州

癸丑韓政張興祖兵會臨清徐達率步騎舟師北上至德州諸將皆集

丙辰官軍克太行山玲瓏等四寨及牛心寨斬元僉院陳天祐等

置高郵守禦千戶所

戊午徐達下長蘆元將遁達趨青州

辛酉徐達至直沽獲海舟七作浮橋以濟令常遇春張興祖

率舟師並河東西進令步騎陸而前元丞相也速屯海口立

遁元都大震

廣東何真率官屬入朝授真江西行省叅政東莞簡祖英從

真起兵障鄉里官行省錄事至是徵祖英入上宴賜金帛


授建平知事縣祖英上表曰臣九歲失怙鞠養藉恃長異用

世以報昊天向食元祿為何真叅佐適值三山強寇剽掠廣

城一門妻子五人殞命臣母被賊囚拘臣媿趙苞不能即死

茲遇聖朝率土普天維昔狗鼠血鉄膏鑽臣母得以生還

臣即不孝無所逃死藉聖朝之賜得以母子俱完羝烏再




效臣雖九死其何足以報 陛下錄臣寄以民社此臣效命
之秋也而臣俛顧慙慙不敢受命者實以嘗事元朝瑕釁已
深臣年已四十有九而臣之母已八十有一矣 陛下誠孝
治天下仁懷遠人憐西日之短期予北堂之私懼臣母子拭
目太平謳歌日月 上俯從之
癸亥徐達至河西務擊元平章俺普達朵兒只進巴大敗之
擒知院哈刺孫等二百餘人獲馬六百匹舡百餘艘進次通
州屯東岨常遇春屯西岨

乙丑元國公知院卜顏帖木兒等出都城來迎戰常遇春擊
敗擒之入通州晡刻日有暈

丙寅徐達入通州 元主懼議避兵北行召群臣會議端明殿有二狐自殿出元
主嘆曰宮禁嚴密狐何得至此殆天所以告朕朕其可留哉
遂留淮上帖木兒不花監國夜分開建德門同后妃太子走

上都
平章李文忠攻克清流寧化諸山寨獲金子隆闔地悉平
免吳江廣德太平寧國和滁水旱災租

八月己巳朔詔應天曰南京開封曰北京朕于春秋往來巡狩



庚午征南大將軍徐達進克元都師薄城填濠入陳兵登齊
化門執元監國淮王帖木兒不花太尉中書左丞相慶童平
章迭兒必失右丞張康伯御史滿川等僂之集賢院侍讀學
士河內閔本語婦程氏曰國事至此媿不能報男可當歸家
二女吾不得而保宜死子忠程曰君能死忠妾安敢愛其身
乎夫婦自經二女亦死太子司經拜住字可善康里人明兵
下燕赴井死管太常禮院王遜志家居獨衣冠而坐其友王
翼來告曰新朝寬大蓋出詣官自言狀遜志斥之即投井死
趙弘毅字仁卿晉州人國史編修翰林待制黃昇字庭士金
谿人投井死翰林待制兼國史編修叅知政事陳祖仁字子
山汴梁人死之元建德州判官休寧吳訥戰敗不屈自刎中
書政事朴賽因不花字德中五台人中書平章政事丁好禮
字敬南蠡州人叅政郭庸不肯謁徐達俱昇至齊化門不屈
死刑部尚書温州張庸團兵房山官兵至寨民李世傑執之
出降不屈死獲宣讓鎮南威順諸王子六人玉印二成宗玉
璽一封府庫籍其圖書寶幣又守宮殿門使宦侍護其嬪妃
宮人吏民一切安堵明日順德守將來降遣薛顯傅友德曹
良臣顧時分巡古北等關隘凡元臣皆輸告身于官翰林學

